



9.2.2011

Pää'ntuõddâr háidd- da ââ'nnemplanâst te'steet Akwé:Kon –vuá'pstemvuõđ

**Vuõssnaroodi ää'rbvuâlaž teádaid kuõskki biodiversiteettsuáppmõõžž 8j aartiikli'žže kuõskki Akwé:Kon –vuá'pstemvuõtt lij valddum testtâánnmõ'sše Pää'ntuõddâr poostaivuu'd háidd- da ââ'nnemplan ta'rkkeem poodd.**

Akwé:Kon vuá'ppõõžž liâ primmum biodiversiteettsuáppmõõžž 5. vuá'ssbie'llsábbrest. Akwé:Kon –vuá'ppõõžž liâ vuõss-sââ'jest mõõntõõllâmvue'kk le'be process, koon páái'k staaneet saa'mi vaikkemvuáittmõõžžid háidd- da ââ'nnemplan raajjmõõžžâst da oožžat kuánstid, kooi páái'k kiõldlaž vaikkõõžžid sää'mkulttuure vuei'tet tue'll'jed.

Sää'mtee'g'g' teádaid mie'ldd Meä'cchalltõs lij vuá'ppõõžž suávvumuužžâst vuõssmõs ve'rggnek obb maai'lm mettkää'vest.

### **Nõõmtum tuájjä'rttel valmštâáll**

Sää'mtee'g'g' da Meä'cchalltõs liâ puáttam saaggstõõllmõõžžeez mie'ldd tõõžž, što nõõmtum tuájjä'rttel valmštâáll Akwé:Kon –vuá'ppõõžž suávvumuužž Pää'ntuõddâr poostaivuu'd háidd- da ââ'nnemplan raajjmõõžžâst. Sää'mtee'g'g' halltõs lij nõõmtam tuájjä'rttel da tøn leät tiuddâam paalgâskoo'ddi võborsee'kkiin. Tuájjä'rttel saaggjää'dtee'jen tuáimmai Heikki Paltto da jee'res vuássla liâ Juhani Länsman, Bigga-Helena Magga, Nina Maarit West da Inga-Briitta Magga di puázžee'žžed: Jouni Lukkari (Pää'ntuõddâr), Harri Hirvasvuopio (Sää'mjânnam paalgâská'dd), Nils-Heikki Näkkäljärvi (Sallivää'rr).

Tuájjä'rttel saaggjää'dteei Heikki Paltto áskk, što tát lij šiõgg vue'kk aa'sši plaanumuužžâst.

- Tát oudd pááiklaž oummid vuáittmõõžžid tõõžž, što si'jjid puá'det kuullâd. Mõõntõõllâmvue'kk põhtt náái't luâdlaž o'nnstemvuõđ plaanumu'sše, Paltto tuátt.

### **Vaikkõõžžid sää'mkulttuure árvvtõõlât obb plaaneemproseez ääi'j**

Me'acchalltõs haa'lad vä'ldded saa'mi kulttuur ââ'nnem oudldõõžžid lokku, nu'tt puârast ko vuáitt.

- Pää'ntuõddâr háidd- da ââ'nnemplanuájast vuá'ppõõžž te'stumuš lij Meä'cchalltõ'sse vääžnai.

Pri'meârlaž jeá'rdõs äiggsab plaantuõjju lij tõt, što árvvtõõllmõõžž tuejjeet čõõđ ääi'j plaanproseez äi'ggen, te'l ääi'jben árvvtõ'leš tá'lk vaalmâš plaan vaikkõõžžid sää'mkulttuure,

vu'vddšurr Elina Stolt maainâst.

Saa'mi vuõiggâdvuõttstaattuuz da saa'mi dommvuu'd mäddââ'nnem oudâsviikkmõ'sše

Akwé:Kon –vuá'ppõõžžin lij šiõgg vaikkõs.

- Te'l ko Pää'ntuõddâr háidd- da ââ'nnemplan valmštõõllmõš o'nnast puârast, Akwé:Kon –vuá'ppõõžž suávvumuš vuei'tet vä'ldded bie'kken jee'res hái'dd da ââ'nnemplaneem raajjmõõžž da še luâdree'ggesvuõttplaani raajjmõ'sše, sää'mtee'g'g' saaggjää'dteei Näkkäljärvi'r smeátt.

Pää'ntuõddâr háidd- da ââ'nnemplan ta'rkkeem valmštõõllmõš pešt tän ee'jj da taarbše'mmen tuái jue'tket veäl puõ'tti ee'jj.

Jiõčvääldlaž vuá'ppõõžž liâ nõõmtum tõõi obbvääldlaž luând čiõlggkiõlin mohawk kiõl õõlmtumuužžin Akwé:Kon, kää'tt miárkksâávv tøn, što puk mii lij jânnamkää'ddest.

### **Lââ'ssteádaid:**

Vu'vddšurr Elina Stolt, Meä'cchalltõs, 0400 398 983

Saaggjää'dteei Klemetti Näkkäljärvi, Sää'mtee'g'g', 050 524 2109

**Lââ'ssteâđ** Akwé:Kon –vuä'ppõõzzin sää'mtee'ğğ ne'ttseeidain [www.samediggi.fi/art8j](http://www.samediggi.fi/art8j)